



# 2017-2018 *Student* & RIGHTS & RESPONSIBILITIES

Än Chon sukuun  
**PWUUNG & WISAN**



**Salem-Keizer Public Schools**

# PORAUS EUCHE FANITEN ANGANGEN ÖPWUNGU

(Unusen porausen ewe District Policies and Procedures (Önnukun ewe Kinikin me Angangan) faniten Öpwungu, ra nomw non ew me ew ekkewe ofesin sukuun me pwan nomw won an ewe kinikin we website [www.salkeiz.k12.or.us/qam/discipline-students](http://www.salkeiz.k12.or.us/qam/discipline-students))

Ekkei önnuk me angangan ra föör fan iten an epwe epeti me tumwunu, met wisen me "an ewe chon sukuun pwuung, tori ekkewe sam me iin me chon angang. Ekkei a fis ngeni ewe chon sukuun nupwen a föri sarosarun mei ngaw atun an:

1. Nomw won pwunun ewe nenien sukuun atun sukuun, mwen sukuun, ika mwurin sukuun.
2. Fiti "an sukuun kewe mwöktukut" mwen sukuun, atun sukuun, ika mwurin kunokun sukuun, pachonong atun touu sukuun nukun sukuun non ekkoch neni, me ekkewe mwöktukut ika urumwot mei fis won ekkewe ekkoch sopw ika fönu.
3. Sääi ngeni sukuun ika seni sukuun ika ekkewe urumwot ika mwöktukut "an sukuun.
4. Nomw won pwunun ewe nenien sukuun inet chok atun nupwen an wor urumwot mei fis non ewe sukuun.
5. Fiti sukuunen summer ika ew fansoun kaeo mi mwochomwoch nefinen ruu terms.
6. Nukun ewe nenien sukuun nge mei fori osukosuk ika feiengaw ngeni chon sukuun, chon angang ika masowen ika pisekin ewe neni.

Pwan ew, kich mei tongeni ngeni an ewe chon sukuun epwe churi noun ewe sukuun we counselor, ewe CARE Team, ewe Youth Services Team ika Threat Assessment Team.

FÖFÖR MI MWÄN	TETTENIN NIWININ PWUNGUN FÖFFÖR <i>Ükükün niwinin an emon föfför epwe tou anonganong won sakkun föfför mi mwän e föri, ierin me met mi piin föri mi ngaw me mwan</i>
<b>NINNI IKA KAWET - Aota me ekiekin efeiengawa ika emeteki emon.</b>	<ul style="list-style-type: none"><li>▪ Io chon sukuun e efeiengawa pwan emon chon sukuun esapw niwiniti an we class tori an epwe wesino niwinin met ewe e föri me epwe pwan fiti ew class ika sukuun.</li><li>▪ Esinesin ngeni sam me iin.</li><li>▪ Asosö seni sukuun ngeni 10 ran.</li><li>▪ Eniwini mettoch e angei ika omusomus.</li><li>▪ Esinesin ika no ngeni ponis.</li><li>▪ Sopwosopw me saspen ika fen touu seni sukuun.</li><li>▪ Epwe chek ika mei wor osukosukan non mokuran nge ekkewe sam me iin repwe wisen moni ika pwe mei kamo</li></ul>
<b>Akoko ika esinesin an epwe kawet</b> - Eniwokusu ika enniwa emon ren omw ereni ika mak ngeni pwe kopwe efeiengawa.	<ul style="list-style-type: none"><li>▪ Esinesin ngeni sam me iin.</li><li>▪ Mwich won an epwe ifa ussun atawen an esapw wor ekkei sakkun osukosuk.</li><li>▪ Saspen chok non sukuun nge epwe wor met epwe föri ren pekin sukuun.</li><li>▪ Saspen ika asoso non engon ran nge epwe wor met epwe föri ren pekin sukuun. Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era EmmiritsStudents INS-P028</li><li>▪ Ngeni ponis repwe angang won.</li><li>▪ Mwich ngeni sam me iin me mwen epwe niwiniti sukuun.</li></ul>
<b>Fötekini, Aosukosuka, Enniwa, Eriani ika Eriaffou, Eriani ika Eriaffou won internet</b> - (INS-A003. INS-P028) - Pwomen fötekini, enniwa, nuwangaw, eriani ika eriaffou, me eriani/eriaffou won internet, me aosukosuka esapw fis nefinen chon sukuun, chon angang ngeni chon sukuun, ika chon sukuun ngeni chon angang. Ekkewe chon sukuun repwe fokkun ammasowa ewe form ika taropwe INS-F030 mei wor non ewe ofes, naipreri, me ewe counseling center ika pwe mei fis ikenir ekkei sakkun osukosuk. Sam me iin, chon tumwun, me chon non ewe neni ra tongeni ar repwe föri nou taropwen otutur ren ar churi meinapen non ewe sukuun ika föri non napanapen angangan ewe mei mak me non ewe District policy (ADM-A005) and procedure (ADM-P008). Emon aramas mei tongeni föri echo repot ngeni ewe prenseponun non ewe sukuun nge esapw pwan pwari itan. Meinapen non ewe sukuun epwe nenengen ika föri repot. Emon aramas mei tongeni tungorei ewe a wisen nemeni ika tumwunu ewe sukuun ren pwungun met ekkewe chon angang ra kutta me sinei won met ei ouskosuk a fis.	<ul style="list-style-type: none"><li>▪ Saspen ika asoso non engon ran nge epwe wor met epwe föri ren pekin sukuun.</li><li>▪ Ngeni ponis repwe angang won.</li><li>▪ Mwich ngeni sam me iin me mwen epwe niwiniti sukuun.</li><li>▪ Sopwosopwöchok me saspen fiti fengen me ekiek won ika epwene fen touu seni sukuun.</li><li>▪ Epwe chek, nge ekkewe sam me iin repwe wisen moni.</li></ul>
<b>Nuwangaw ika Sikepwach</b> - Nuwangaw ese ketiw, me tungorun epwe wor nuwangaw non kapas, mak me inis me met mei osukosuka an ewe aramas kaeo me pwan an fiti ekkewe urumwot ika mwöktukut an sukuun me met mei efisata nuokus, koput ika fitikoko ngeni ewe neni.	
<b>Nifinifin aramas</b> - Ew nuku ren chon non ew neni pwe iir ra kon ochu seni ekewe ekkoch aramasen pwan ekkoch neni mei pwä non ngingin ar kapas me föfför.	

FÖFFÖR MI MWÄN	TETTENIN NIWININ PWUNGUN FÖFFÖR <i>Ükukün niwinin an emon fofför epwe tou anonganong won sakkun fofför mi mwän e fori, ierin me met mi piin fori mi ngaw me mwän.</i>
<b>Pusin nemenemeni</b> - Nikinikin an pusin nemenemeni mei pachonong anneasonap ika ese tipe ew ika fiti pwungun ekkewe chon angangen non ewe sukuun, foos, mwokutukutun inisin me assamwonungaw, aosukosuka pwan ew class, ekkewe urumwot an sukuun ika ekkewe urumwot ika mwokutukut mei nomw fan tumwunuwen ewe sukuun, sakosakun ika nikinikin mei ngaw mei foratä feiengawen ewe chon sukuun ika pwan ekkoch me chom-mong an no ngeni ofes fan iten an nemenemengaw.	<ul style="list-style-type: none"> <li>Ömwökutu seni ewe classroom me ekkewe mwökütükü an sukuun.</li> <li>Kokkori me mwich ngeni ekkewe sam me iin.</li> <li>Nómwtiw, saspen non sukuun.</li> <li>Saspen ika asoso seni sukuun ngeni 10 ran fiti fengen me fori och mettoch fan iten sukuun ika fen saspen chok non sukuun. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirít Students INS-P028</u></li> <li>Sopwosopwono chok ne saspen fiti fengen me ekiek won an epwe touu seni sukuun.</li> </ul>
<b>Pisekin efeiengaw</b> - Isois, uwow ngeni, amomö ika pwärano ekkewe sakkopaten pisekin efeiengaw ren chowean pistor, nikosuk me ekkewe mei nget pwan puung, sakkopaten pisekin efeiengaw mei tongeni an epwe nieno emon aramas ika fen efeiengawa, me ika pwe ese pwan namot ngeni masowen sukuun me ewe chon sukuun.	<ul style="list-style-type: none"> <li>Angei seni ewe pisek e "aea" ne fori ewe fofför.</li> <li>Kokkori me mwich ngeni sam me iin.</li> <li>Ngeni ponis repwe angang won.</li> <li>Sopwosopwono chok ne saspen fiti fengen me ekiek won an epwene touu seni sukuun.</li> </ul>
<b>Ekkewe mei chok nikinikin pisekin efeiengaw</b> - Isois, uwow ngeni, amomö ika pwärano ekkewe sakkun pisek mei tongeni an epwe pwan pisekin efeiengaw ussun met mei affat me non önnuk me ika pwe esapw namot me esapw ew mettoch ewe chon sukuun epwe "aea" ren pekin sukuun.	<ul style="list-style-type: none"> <li>Angei seni ewe pisek e "aea" ne fori ewe fofför.</li> <li>Kokkori me mwich ngeni sam me iin.</li> <li>Saspen non sukuun.</li> <li>Saspen mei "n" ngeni 10 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirít Students INS-P028</u></li> <li>Ngeni ponis repwe angang won.</li> <li>Sopwosopwono chok ne saspen fiti fengen me ekiek won an epwene touu seni sukuun.</li> </ul>
<b>Sakaw me ekkewe ekkoch safei</b> - Isois, kamo, "aea" ika fen sakaw me pwan ngasaranong ekkewe safei mei efeiengaw mi moromor, ika ekkewe sakkun safei mei affat me non önnuk Uniform Controlled Substance Act, ORS 475.005. Isois ekkewe sakkun safei itan paraphernalia, me ekkewe sakkun safei taitap ngeni chok me ika fen assokonoi "aan".	<ul style="list-style-type: none"> <li>Angei seni ewe pisek e "aea" ne fori ewe fofför.</li> <li>Kokkori me mwich ngeni sam me iin.</li> <li>Ngeni ponis repwe angang won.</li> <li>Saspen non sukuun ika nukun sukuun ngeni 10 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirít Students INS-P028</u></li> <li>Sopwosopwono chok ne saspen fiti fengen me ekiek won an epwene touu seni sukuun. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirít Students INS-P028</u></li> <li>Mei tongeni an epwe fiti ekkewe pwan ekkoch sukuun faniten an epwe pese seni met ekkewe sakkun fofför mi ngaw mei foffori nap seni an epwe angei chappen met ewe e fori.</li> </ul>
<b>Supwa ika ekkewe mettoch mei wor supwa non</b> - Kooii, isoii, amomö, kamo, uwow ngeni, eineti, ika "aea" supwa. Mei pwan pachonong ekkewe ussun chok supwa me ekkewe mei wor supwa non me ekkewe safei mei kawor pwe supwa me pisekin supwa.	<ul style="list-style-type: none"> <li>Angei seni ekkei pisek e "aea" ne fori ewe fofför mi mwän.</li> <li>Esine ngeni me mwich ngeni sam me iin.</li> <li>Ewe meinap epwe ngeni och mettoch epwe fori .</li> <li>Saspen non ika nukun sukuun ngeni 3 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirít Students INS-P028</u></li> <li>Ngeni ponis repwe angang won.</li> </ul>
<b>Fiti sukkun - Etiwano ranin sukuun ese mwumwuta</b> - ese nifinifin atun an etiwano sukuun nge ese wor mwumwutan meren ekkewe sam me in ika "ion" ewe a wiseni wisen sam me iin ngeni ewe semirit.	<ul style="list-style-type: none"> <li>Esinesin ngeni sam me iin.</li> <li>Epwe wor opwungupwung seni meinap ewe sukuun an epwe "ochuno ranin" an fiti sukuun.</li> <li>Mwochutiw non sukuun ika saspen non sukuun.</li> <li>Ngeni ponis repwe angang won.</li> <li>Epwe ripit faniten ese naf an credit.</li> </ul>

FÖFFÖR MI MWÄN	TETTENIN NIWININ PWUNGUN FÖFFÖR <i>Ükukün niwinin an emon fofför epwe tou anonganong won sakkun fofför mi mwän e fori, ierin me met mi piin fori mi ngaw me mwan.</i>
<b>Fiti sukuun - Mang</b> - Ese nifinifin atun an etiwano sukuun nge ese wor mwumwutan meren ekkewe sam me iin ika ion ewe a wisen wiseni wisen sam me iin.	<ul style="list-style-type: none"> <li>Kokkori sam me iin.</li> <li>Epwe wor opwungupwung seni meinapen non ewe sukuun won an epwe ochuno ranin an fiti sukuun.</li> <li>Mwochunong ika saspen non sukuun.</li> <li>Ripit fan iten ese naf an credit.</li> </ul>
<b>Kek</b> - Ese nifinifin angangen kek.	<ul style="list-style-type: none"> <li>Angei seni ewe pisek e aeä ne fori ewe fofför.</li> <li>Kokkori me mwich ngeni sam me iin.</li> <li>Ngeni ponis repwe angang won.</li> <li>Eniwini ngeni minne pisekin ewe.</li> <li>Atou seni ekkewe urumwot ika mwokutukut an sukuun tori an epwe eniwini ngeni emon newe pisekin ewe ika omusomus.</li> <li>Saspen seni sukuun mei tongeni no ngeni 10 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirí Students INS-P028</u></li> <li>Sopwosopwonó chok saspen fiti kokkotun an epwene touu seni sukuun.</li> </ul>
<b>Computer Network me Internet</b> - Nounow computer ren och mettoch ese och ika nounow fan iten an epwe enniwa ika affanga ewe sukuun pwe epwe atai pisekin ika fen efeiengawa chon angang, ika osukosuka ekkewe prokram an ewe kinikin, me ekkewe computer, ussun met a awewetiw me non ewe District Policy INS-A004.	<ul style="list-style-type: none"> <li>Esinesin ika kokkori sam me iin.</li> <li>Kouno ne nounow ekkewe pisek non ukukun 30 ran.</li> <li>Saspen non sukuun.</li> <li>Saspen ngeni 10 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirí Students INS-P028</u></li> <li>Esapw fokkun chiwen nounouw ekkewe pisek.</li> <li>Ngeni ponis repwe angang won.</li> <li>Sopwosopwonó chok ne saspen fiti fengen me ekieki an epwene touu seni sukuun.</li> </ul>
<b>Atai me Sonani pisekin emon</b> - Aota ika fokkun atai ewe nenien sukuun ika pisekin ewe sukuun me sonani pisekin ewe sukuun me pwan aramas pachonong tumwunungaw ngeni ekkewe pwuuk, locker me nook.	<ul style="list-style-type: none"> <li>Kokkori sam me iin.</li> <li>Eniwini pisekin emon kewe.</li> <li>Saspen non sukuun.</li> <li>Saspen ngeni 10 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena era Emmirí Students INS-P028</u></li> <li>Tou seni ekkewe urumwot tori epwe niwin ekkewe pisek.</li> <li>Sopwosopwonó ne saspen fiti fengen me ekieki an epwene touu seni sukuun.</li> <li>Ngeni ponis repwe angang.</li> <li>Ekkewe sam me iin repwe moni an epwe chek ren tokter.</li> </ul>
<b>Ika ese kamotiwi niwinin, pakking, me niwinsefan ekkewe pisek mei ta me poutuno.</b>	<ul style="list-style-type: none"> <li>Kokkori sam me iin.</li> <li>No ngeni ekkewe chon angei niwinimang ika fen pwan ngeni ponis.</li> </ul>

## SASPEN

Saspen ew chok asoso ika tou seni ewe nenien sukuun me ekkewe pisekin sukuun tori ekkewe sakkopaten mwokutukutun sukuun pwan pachonong ekkewe urumwot me ekkewe sein sukuun fansoun mwochomwoch chok esapw napeseni 10 ran. Ewe ofes epwe ngeni ewe chon sukuun, sam me iin me ewe a wisen tumwunu ewe semirit ruu ran won porausen kokkotun an ewe chon sukuun epwe saspen ren an epwe tongeni wor fansoun ar repwe wanong ar tungor ngeni meinapen ewe nenii fanitei ei wewe. Ewe meinapen non ewe nenii epwe nengeni ewe taropwe me ika akkokow ew arongorong, me wauu met a finata non 3 ranin sukuun seni ewe fansoun a tonong ewe tungor. Mei wor an ewe chon sukuun, sam me iin, ika ewe a wisen tumwunu ewe semirit pwuung ar repwe tungor ika amweta ngeni ewe soupwungan non ewe sukuun metewe a pwunguno seni ewe meinap ruu ran me murin an torir ewe taropwe.

## TOU SENI SUKUUN

Ese fokkun nifinifin ngeni ion chon sukuun mei atai an ewe kinikin kewe pwuung me onnuk epwe touu seni sukuun. Ewe mwichen soupwungan non ewe sukuun ika ekkewe ra wisen finita ar repwe wisen atouu ewe chon sukuun me non ewe sukuun me met masowen ewe sukuun, sein sukuun, me pwan ekkewe urumwot me mwokutukutun sukuun esapw napeseni ew ier.

ika pwe mei wor terin ewe chon sukuun, me mei mangonó angangen cheki nge a fori ew ekkei fofför minne a pwunguno pwe epwe touu seni sukuun ren, nge me mwen an epwe fis ei atoot an epwe touu seni sukuun, iwe epwe akkoumw wor pwouraus won ika epwe fen seni osukosken inisin ei e fori ren ei fofför.

Ewe chon sukuun a finita pwe epwene touu seni sukuun epwe wor an arongorong fan mesen ewe Hearing Officer (ewe a kefin pwe epwe ani ei arongorong); ei arongorong epwe fis anonganong won met masowen ewe onnuk ORS 332.061

me pwan ussun met mei mak non ewe district policy and procedures ewe mei emwen seni ewe Meinap. Epwe wor chon anisi ewe chon sukuun nge epwe fan pusin noun ewe chon sukuun moni. Me mwen epwe fis ena arongorong, ewe chon sukuun ika inan me seman ika ewe a wisen tumwunu repwe nengeni ekkewe taropwen pwarata a katonong seni ewe sukuun. Mei mwumwu ngeni ewe chon sukuun an epwe pwarata non kapas, mak, me pwan ekkoch pisekin pwarata. Pwungun ei arongorong epwe pwunguno anonganog won met ekkewe pisekin pwarata mei katonong non ewe arongorong. Ewe chon nemeni ei arongorong epwe makkei non taropwe met a finata pwe pwungun ewe arongorong nge epwe fori non 24 awa seni ewe atun a fis ei arongorong. Ika pwe e kawor ei taropwe non 5 ran atun sukuun ika e fen for non ukukun 7 ran me murin sukuun a wes fan Suun, iwe ekkewe sam me iin ika ewe chon tumwun ika pusin ewe chon sukuun a ierini 18 epwe tungor an epwe wor amwet fan iten epwe wor ew mwichen soupwung repwe katon ewe taropwen finata seni ewe a nemeni ewe arongorong nge repwe ammasowa ewe taropwen

Notice of Appeal seni an ewe meinapen ewe nenii we ofes. Ei taropwen "amwet epwe nom non an ewe Superintendent (meinapen ewe nenii) we ofes.

## **PEKIN KÄEÖ AN EPWE WOR EKKESIWIN**

Anonganong won met meinapen ewe sukuun a finata, emon chon sukuun e atai masowen ewe an ei kinikin we onnuk ren pisekin efeiengaw, safei(drugs), me sakaw epwe fiti ewe District's Diversion Program (ew anapanap fan iten met ewe chon sukuun epwe fiti me nukun an epwe touu).

## **EKKWE EKKOCH PEKIN SUKUUN IKA KÄEO**

Epwe wor esinesin ngeni ewe chon sukuun a touu ren ekkewe ekkoch pwan pekin sukuun ika kao mei for ar repwe awora sakkopaten mettoch, fansoun, anapanap me ika angangen osukuun repwe tongeni fiti nupwen ar touu seni sukuun.

## **AN CHON SUKUUN PWÜÜNG ME WISER**

### **IOIFENGENIN CHON SUKUUN**

Ewe Kinikin 24J mei affona an chon sukuun pwüüng ren ar repwe kokochufengen. Nge mei och an epwe fat, faniyen mei chommong ekkewe sukuun a kon wuuer me mei forata an epwe naffangaw neni. Ioien chon sukuun ika mwichefengenin chon sukuun epwe fan iten chok sukuun, esapw osukosuka ekkewe class, esapw pwan efeiengawa emon aramas ika pisek. Mwe mwen an epwe kan wor kochufengen an chon sukuun, iwe repwe akkoumw tungorei ewe principal, iwe pwungun epwe pwan tori ekkewe chon sukuun inet a tufich ngeni.

### **PASIKEN ' SKATEBOARDS**

Ese fokkun nifinifin ngeni ion chon sukuun mei mochen wawato pasiken ngeni sukuun. Nge mei chok och ewe chon sukuun epwe sinei onnukun me tumwunun wawan pasiken. Met ekkei mei tettenitiw fan mei kapach ngeni masowen ewe onnuk ren wawa pasiken:

1. Ewe onnukun Oregon ORS 814.485 faniyen ekkewe akkawen pasiken, e mwutata emon semirit seni ier kukkun feita won ier 15 an epwe imweimw ekkewe akkawen pasiken mi mwumwuta nupwen an wawa pasiken non neni mei osowawa, won aan, nepekin aan, me non ekkewe nenen kukkunow (park).
2. Esapw wor wawa pasiken won pwunun ewe sukuun atun kunokun sukuun ika atun an fis ekkewe urumwot me sarin ekkewe mwokutukut.
3. Ese mwumwuta okkoruwemon won efoch pasiken.
4. Ewe principal ika chon angangen non ewe sukuun ika sam me iin repwe ngeni ewe chon sukuun niwinin an atai ekkei onnuk.
5. Sia ouroura ekkewe chon sukuun ar repwe nokei war kewe pasiken ngeni ekkewe mecha. Ewe chon sukuun epwe pwusin weweiti nge tumwunun wan we a pusin nonom ren ina pwata epwe fokkun forifichi tumwunun nenan.

Chon sukuun iir mei tongeni wawato skateboard ngeni sukuun, esapw fokkun nifinifin io. nge mei och pwe ekkewe chon sukuun re kan wawa skateboard repwe sinei me fori ekkewe onnukun wawa skateboard:

1. ORS 814.600 ika an Oregon onnuk faniyen chon wawa skateboard, a tichiki ar repwe imweim ekkewe akkaw mei tumwunu chamwer seni feiengaw.
2. Ese mwumwuta wawa skateboard won pwunun ewe nenen sukuun. Nupwen ewe chon sukuun epwe tori pwunun ewe sukuun, iwe epwe pwiniti me uwei wan we skateboard.
3. Chon sukuun resapw wawa war kewe skateboard unukun ekkewe sein sukuun (pas).
4. Ewe principal me chon angangen ewe sukuun repwe wisen wauu chappenniwin tumwumungawen wawa skateboard me afonongawa onnukun kewe.

### **EWE NENIEN SUKUUN EPWE KESIP (ESE MWUMWUTÄ)**

Ewe Kinikin a fokkun tichiki an chon sukuun repwe nomweti won pwunun ewe nenen sukuun atun sukuun, tiwan chok ren met mei namot. Meinisin chon sukuun repwe nom won pwunun ewe nenii seni atun ra war nesosor tori atun a sar sukuun. Ei fansoun mei pachonong kunokun neónowas me met ekkei epwe fis: feino me feito seni neiimw fan iten mwóngon neónowas ussun met mei wor tungorun seni ekkewe sam me iin, föri ökkunor ika no ngeni ar kewe appoinmen sam me iin ir mei fen tungor fan itan, me fori ewe prokram mi fen nomw non akköt meren ewe sukuun ussun ren work study ika angang fan iten sapwosopwun chok kao ika sukuun. Ekkewe chon sukuun repwe angei ar mwumwuta seni ewe ofes me mwen ar repwe no seni pwunun ewe nenen sukuun atun sukuun.

Open campus-(Ese tichik (INS-P024) mei suuk ika mwumwutä an ekkewe chon sukuun repwe tongeni touu me tonong won pwunun ewe nenen sukuun non fansoun ar angei ar mwóngon nanowas, iei met mei kan pwunguno an epwe fis ieiteiten ier anonganong won an ekkewe nouwis tungor me an ewe Superintendent finata.

### **ANGANGEN OTUTUR (ADM-P008)**

Ewe kinikin a angang won ekkewe taropwen otutur non pwung me wen, ese pwani epipö, nge epwe poputa won ewe sukuun ika putai ei otutur a kawor faniyen. A men ouchea epwe wor touren poraus nefin me nefin nupwen epwe fis ei angang pwun ewe epeki epwe weweochiti met wisen emon me emon. Inet chok a tufich, taropwen otutur meinisin epwe tonong me epwe wor poraus won me ren ewe sukuun ika putai, me epwe pwan fatafatcho me tetenoch ussun met mei mak non ewe District's Complaint Procedure (ADM-P008). Angangen tettenin forun otutur a nomw won an ewe kinikin we web site. Ewe onnuk non ewe Kinikin Sukuun Salem-Keizer ese etiwa pomwen achacha ika an emon epwe chachari ewe aramas a fori ewe angangen otutur.

### **EKKWE SAKKOPATEN MECHÄ FIFI ME INTERNET MEI KAWOR FANITEN PEKIN SUKUUN (INS-A004)**

Emon chon sukuun ierin mei kukkun seni 18 mei tongeni an epwe nouñou computer me non ekkewe sukuun non Salem-Keizer tiwan chok ika pwe inan me saman ika ewe chon tumwunu rese mwutata seni ar amasowa ewe taropwen esapw nouñou komputer (INS-F048). Ewe Kinikin ika Neni epwe pinei seni an epwe nouñou computer me esine ngeni ponis ika pwe e atai ewe onnuk (District policy).

### **NIKINIK IKA SÓRÓSÓR WON EKKWE SEIN SUKUUN**

Ekkewe chon sukuun ir mei fiti ekkewe sein sukuun repwe opwonuweta ewe District Procedure TRN- P036. Emon chon sukuun epwe chok sopweno ne fiti ekkewe sein sukuun ika e fori ewe District Discipline Policy and Procedures (onnuk).

## **AN EKKEWE SAM ME IIN IR MEI ANAMU EKKEWE SEMIRIT ME EKKEWE RESE ANAMUR PWÜÜNG**

Ewe Kinikin epwe wauu ngeni ekkewe sam me iin met mei wesewesen affat me non ewe önnuk (Policy INS-PO22). Porausen chon sukuun epwe ngeni emon chok nein ewe sam ika iin ika ewe a wisen tumwunu ewe semirit, me nukun chok ika mei wor taropwen pwarata seni kopwung, önnuk seni ewe mwuu, ika taropwen önnuk fan iten mufesen, imwufesen ika fan iten ion a wisen anamwu ewe semirit mei tongeni eppeti ekkei pwung. Ekkewe sam me iin rese anamwu ewe semirit repwe esine ngeni ewe sukuun ika ian repwe tinano ian ekkewe taropwe.

Ewe onnukan Oregon ORS 107.154 (1) me (4) a apasa pwe inamwo ika met a touu seni kopwung, fan iten emon me nein ekkewe sam me iin epwe wisen anamwu ewe ika ekkewe semirit, esap fokkun eppeti an ewe emon sam ika iin epwe mwumwu ngeni an epwe:

- Katon me angei porausen noun we me kokkori ekkewe chon angang an epwe sinei nonomwun noun we me an sukuun ussun chok met ewe emon mei wisen anamu mei fori.
- Epwe mwutata angangen safei mei weiweiita ika atapwanapwan, pekin ngii, ekkewe ra wisen angang ngeni pekin ekiek ika nonomwun, ekkewe ra wisen angang ngeni pekin mei umwes ika osukosuken ekiek me pwan ekkewe ekkoch pekin aninis ren inis ika pwe ewe emon sam ika iin e anamwu ewe semirit ese nom.

Ewe chon sukuun ese tongeni an epwe fiti emon epwe era pwe ii ewe chon anamwu ewe semirit tiwan chok ika pwe ewe sam ika iin mei makkei itan me epwe pwan pwarata pwe mei wor noun taropwe seni ewe mwuu Oregon fingen me noun ID.

## **ÜUF ME NIMENIMEN INIS (INS-A025)**

Wisen ewe sukuun an epwe onukunuku me tumwunu ewe nenien sukuun pwe epwe ew nenien kaeo mei fokkun murinno pwe chon sukuun repwe fetanoch non ar sine, iei minne ekkewe sam me iin repwe tumwunu met sakuun pisek nöür kewe repwe pipisek non sukuun tori nimenimen inisir. Epwe wor ourour ngeni ewe chon sukuun tori inan me saman pwe mei pwan tongeni osukosuk kaeo ika pwe ese pwuung met ewe chon sukuun e ufof ika pipisek me pwan nimenimen inisir.

Sipwe fokkun angei seni chon sukuun ekkewe sakkun üuf ika pisek tori ekkewe niouten inis ika pwe mei ngaw. Awewe ren ekkena sakkun uuf mei ngaw, ekkewe uuf mei anemeseng mei seneno ese kon pwonuweno en inis; mei pwari, foos non niosun, ika pesei unumi supwa, ekkewe mettoch mei wor supwa non, safei, sakaw, nifinifin aramas, osukosuka. ika wesesen affata are fori angangen nuwongaw ika einimwei. Kapach ese mwumwuta ekkewe uuf mei fount ika chunga pisekin effeengaw ika ekkewe uuf mei pwarata pwe ir chon ew gang. sipwe pwan angei senir.

Pusin mefien ew me we ekkewe sukuun ika repwe anapano ar kewe önnuk seni mwumwutan ewe mwichen sou ourour me an ewe sam me iin we mwichen ourour ika fon. Ekkewe sukuun iir mei uniform repwe fiti pwungun ewe önnuk an ewe Kinikin ren uniform (INS-W023).

## **EKKEWE KUKKUN MECHÄ FIFI**

Ekkewe kukkun pisek mechä mei pwan tongeni osukosuka angangen kaeo me arun unusew ewe nenien sukuun. Ikkei ekkei kükkün sakkun pisek ika kukkun mechä ese wor namotan ngeni pekin kaeo are masowen kaeo ren chowean cell phone, pagers ika beepers, ekkewe pisekin rongorong ren headphones me ekkewe kukkun reitio ika teip, ika ekkewe games ika minen urumwot. Ewe sukuun epwe angei seni ion chon sukuun mei awora ika anamwu ekkei pisek. Epwe esinesin ngeni sam me iin ar repwe etto angei ekkei pisek. Chon sukuun ir mei tongeni uwow cell phone nge epwe seni an sam me iin mwutata me ika esapw pwan osukosuka unusew ewe nenien sukuun.

## **SUKUUN MEI NÖNÖPÖK NGENI SAKKOPATEN CHON SUKUUN MEINISIN (ADM-A009)**

Mei mak non önnukan ewe Kinikin Sukuun 24J nge esapw wor emon chon sukuun mei sukuun non ewe kinikin esapw pachonong non, ika angei ekkewe aninis ika tufich, ika fen pinepin seni ekkewe pekin aninis fan iten

sukuun ika sakkun mwokutukut mei tou seni ewe sukuun ika mwumwuta seni ewe mwichen soupwng seni ewe sukuun fan iten ierin, ika mei ter, chon ia, sokkun aramas, önuwen inisin, an namanam, niemet, winin, nonomwun ika mei pwupwunu ika osupwang. Chon angangen non ewe Kinikin Sukuun 24J repwe sopweno ne awora ew pekin kaeo esapw wor nifinifin me oturau ekkewe mettoch mei awora nifinifin ngeni chon sukuun.

## **ÓTÓÓT REN PEKIN MWÖNGÖ**

Ewe Kinikin Sukuun 24J mei fitinong non ewe National School Lunch me Breakfast programs. Ir me ruu ekkei prokram ika aninis ra nom fan nemenien ewe United States Department of Agriculture (U.S.D.A.). Ewe U.S.D.A. a awora ekkoch önnuk ika emwen fan iten ekkewe sukuun ir mei nom won ei prokram ren ew nein mwöngön neonowas ika nesosor. Ren mwöngön nanowas, chon sukuun repwe mwongo ekkewe mwongo meinisin (grain, futuk/ekkewe ekkoch siwinin futuk, founira, iasai, me minik) seni ewe mwongo mei kawor, nge non ewe önnukan U.S.D.A., pwe chon sukuun ra chok tongeni angei 3 sakkun mwongo seni 5 sakkun mwongo, ew epwe esopw kapen founira ika iasai. Ren mwöngön nesosor, chon sukuun repwe angei 3 sakkun mwongo seni 4 ekkewe mwongo mei kawor (grain me epwe pwan nemeneman ika epwe pwan angang futuk, founira ika iasai, me minik). Ew Poraus seni USDA/ODE: Ew mwich mei anonopoku an angang ngeni meinisin.

## **PWUNGUN OTOURA MEMEF (INS-A029)**

Ewe Kinikin Sukuun 24J a pwan mochen affata me pesei ngeni emon me emon chon sukuun pwe mei wor ar pwungun otoura ika affata mefier. A pwan wor wisen ekkewe chon sukuun ar repwe aninis me pwan sopweno kokkotun ochun angangen ika mwokutukutun sukuun.

Ekkewe chon nemem non ewe sukuun repwe fokkun tumwunu ochu pwe chon sukuun ika io esapw awora ika eineti ekkewe taropwe ika poraus mei ngaw ika osukosuka ewe nenien sukuun. Ekkewe poraus ika taropwe chon sukuun ra makkei esapw wor kapasen angawa ekkoch aramas, osufonungaw, esit me nifinifin. Iei minne, me mweti ekkewe poraus me an chon sukuun kewe speech epwe touu, ewe meinap non ewe sukuun epwe akkoumw katon me mwutata ika epwe touu. Angangen nengenfichi ekkei poraus esapw pwan witiwitino. Ewe principal non ewe sukuun ii chon cheki, opwungu, me print ini ekkewe poraus a for me non ekkewe sukuun.

## **MWICHEICH**

Wewen gang, ew mwichen aramas unumon chón ika fen napeseni nge mei pwan wor iten ar ei mwich me esisinan pwan onuwani; me mei pwan pachonong non ekkewe sakkun föfför mei ngaw. Ekkei sakkun mwicheich ese ketiw me non ekkewe sukuun non ei Kinikin.

Ika pwe emon chon sukuun e pwa an napanapeni pwe i emon chon ew gang, ika kuttunong chon ei gang me pwan awora ekkoch mwokutukut fan iten ei gang me atai ewe önnukan sukuun (District's Code of Policy and Rules), ika pachonong non met ewe gang ra fori mei ngaw, iwe sipwene otoura ngeni ponis ika fen atouu seni sukuun.

Ei esapw fan iten ach sipwe pinei an emon epwe forata ika choni ew mwicheich mei och.

## **SENSU SENI EKKEWE HIGH SCHOOLS**

Ekkewe chon sukuunen high school mei fiti ekkewe urumwot repwe opwonuweta ekkewe önnuk (District Policies and Rules). Non ei önnuk a pwan affat pwe emon chon urumwot esapw wun supwa, sakaw me ekkewe ekkoch sakkun safei mei ngaw non ewe ewin ran a poputa ne fiti ika pachonong non ekkei urumwot non unusew ewe ierin sukuun me pwan ekkewe ier epwe feito nge mei chok chiwen nom non ekkei pekin urumwot non ekkewe sukuun non Salem-Keizer. Pochokünen ei önnuk a fis non 24 awa ew ran, ngeni mwuchunon sukuun non ew ierin sukuun. Ion nein ekkewe chon urumwot epwe atai ew ekkewe önnukan urumwot me pwan saspen seni ekkei urumwot non ukukun 3 wikt me epwe chek ika mei fen angei ekkewe safei mei ngaw.

Mei pwan nea an ekkewe sensu repwe angei 2.0 (ruu poin) ar repwe tongeni choni ekkewe urumwot ussun met mei fen affat non ewe District Policy and Rule INS-A014, an ewe kinikin Salem-Keizer, mei kan ngeni ika wewe ngeni ewe High School Student Athlete Expectations.

## CHEKIN EKKEWE LOCKER ME PISEKIN CHON SUKUUN

Ekkewe lockers me chepen ekkewe chon sukuun iir mei "akkaea", an ewe sukuun mei nom fan nemenien ekkewe chon angang non ewe sukuun. Ekkewe sukuun mei "ani ourekin ika pwe ekkewe chon sukuun ra isois ekkewe mettoch mei atai "onnuk me ika rese tumwunuochu ekkewe pisek. Anóngónong won met sia eani "oumoum pwe mei wor, iwe, epwene wor angangen chek non pisekin ewe chon sukuun me ekkewe lockers repwe suuk seni meinapen non ewe neni nge epwe fori non weweoch.

## WAA IKA TARAKU

Chon sukuunen high school ir mei tongeni uwow taraku ngeni sukuun pwan seni sukkun. Ekkoch sukuun rese mwutatai fan iten naffangawen nenien park, tumwunun an esapw wor feiengaw me tumwunun ekkewe pisekin sukuun, me an epwe osukosuka sukuun. Ewe Kinikin mei tongeni angei niwinin parking. Ese mwumwuta an ekkewe chon sukuun repwe "sa" won war kewe atun kunokun sukuun, pachonong atun mwongan neonowas nge rese angei ar mwumwuta seni ewe prenseponun ewe sukuun. Ewe sukuun mei tongeni öukatiw seni ewe chon sukuun an epwe chiwen uwow waa ngeni sukuun ika pwe a atai ewe önnukun uwow waa. Ese mwumwu ngeni ekkewe chon sukuunen middle ar repwe uwow waa ngeni sukuun.

Wisen ekkewe sam me iin ar repwe makkei taropwen ewe waa non ewe ofesin sukuun me mwen ewe chon sukuun epwe tongeni "uwei" ika unteng ngeni sukuun. Ekkewe chon sukuun ra pwusin tongeni fori taropwen ewe waa me non ewe ofes ika pwe ra ier 18. Chon sukuun repwe fori "onnukun ewe sukuun ren pekin uwow taraku fansoun ar nomw non ewe nenien sukuun.

## MET EWE CHON SUKUUN EPWE FÖRI NUPWEN A NÓ NGENDI SUKUUN ME NÓ SENI SUKUUN

Ewe sukuun a men fokkun "oureki ika ekieki tumwunun manawen ekkewe chon sukuun fansoun ar feino ngeni me no seni sukuun me pwan ekieki tumwunun pisekin ekkewe chon nomw arun ewe sukuun. Meinisin chon sukuun ir mei feino ngeni me no seni sukuun ra nomw fan nemenien ewe sukuun me ewe District Discipline Policy and Rule.

## PWÜÜG REN KATON NÖUN EWE CHON SUKUUN TAROPWEN SUKUUN

Non ewe District Procedure INS-P022 mei affata pwe sam me iin ika ewe chon tumwun me pwan pusin ewe chon sukuun, mei wor ar pwuung ar repwe:

1. Oururu me katon och ussun porusen an ewe chon sukuun kaeo.
2. Tungor epwe wor ekkesiwin ika pwe ese pwung porausen an sukuun me mwaniñofetanin ika fen osukosuka nonomwun ewe chon sukuun me an pwuung.
3. Mwutatai non taropwe kapasen pwarañfan iten porausan tiwan chok met mei nom non ewe önnuk pwe ese pwan wor namoten angei mwumwuta won pwan ekkoch pekin.
4. Anongonong won ewe Oregon Administrative Rule 581-021-0410 (ew önnuk), ka tongeni fori taropwen nan ren ewe United States Department of Education. Ena taropwen nan epwe affata pwe ewe Kinikin ese osufönu ewe önnuk ren an famini pwuung fan iten sukuun me pwan ewe önnuk ren mwonomwonon porausen ewe chon sukuun (Family Educational Rights me ewe Privacy act).
5. Angei echo kapin ewe District Procedure INS-PO22. Ei önnuk a kawor me non ew me ew ekkewe sukuun, a pwan nom non an ewe chon nemeni ewe neni we ofes me pwan won ewe website an ewe District ika Kinikin.

Sam me iin ika ion ewe a wisen tumwunu ewe chon sukuun ika pusin ewe chon sukuun mei fich ngeni, mei mochen epwe katon ekkewe poraus fan iten an sukuun, iwe epwe otouranong an tungor ngeni ewe principal ika ion ewe a wisen fin pwe epwe angang won.

## FITI SUKUUN

Ekkewe sukuun non ei kinikin Salem-Keizer ra awora ew pekin osukuun mei chok nonnopök ngeni chon sukuun meinisin. Emon chon sukuun epwe fokkun sopwoch non an kaeo ika pwe an sine me an fiti sukuun repwe tipew

fengen. A fokkun "ouchea an emon chon sukuun epwe fiti ew me ew an kewe class non fansoun för kredit ren an epwe tori an kewe goals me met ekkewe repwe tori me non ewe class.

Wewen ei foóos fiti, emon chon sukuun mei nomw ika ese nomw non sukuun. Ew etiwano sukuun mei mwus ewe mei ketiw meren ewe principal ika ion ewe a fini epwe wisen anganga nge epwe seni ekkei mei affateti: an chon sukuun samaw, met mei atapwan, mei wor tungorun me mwan, ika ekisatiw niwinin met ewe e fis. Ew etiwano sukuun ese mwus ew chok nein mei mwus ika ese official, me ewe chon sukuun mei tongeni angei opwunguan ren.

Emon me emon ekkewe prensepon me noun kewe chon angang ra wisen fori ei angang repwe anapano me ömwokutu ew önnukun fiti sukuun me ifa ussun angangan ika masowen non mei pachonong met ewe sukuun e mochen ewe chon sukuun epwe föri me epwe pwan öpöchökuna ika pesei fifiti sukuun. Ew me ew sukuun epwe anapano me anganga ew önnuk ren mang ngeni sukuun. Ewe kinikin epwe esinesin ngeni ewe sam ika iin ika ion we a wisen tumwunu ewe semirit ika pwe ewe chon sukuun ese wareiti sukuun me ese fat ika met popun an etiwano sukuun. Tungorun an esapw fis opwung faniten an ese mwus ewe fansoun etiwano sukuun epwe för seni ewe angangen otutur an ewe kinikin.

Pwan ew, ewe meinapen non ewe sukuun ika ewe a fin an epwe "eani" ei angang epwe esinesin ngeni ekkewe sam me iin ika ewe a wisen tumwunu ewe semirit won an ewe chon sukuun ewe ese fiti sukuun me ese pwungupwungoch an wareiti sukuun. Ika pwe mei chok sowosopwono an esewar (ese fiti sukuun) ika pwungupwungungaw an wareiti sukuun (wanu ran unexcuse, esopw ran non ew ran ese war, ika met mei taitap ngeni, non "ukukun" ruwanu week), meinapen ewe sukuun ( ika ion we a wisen tumwunu ewe semirit pwe ewe semirit epwe nomw non sukuun non ewe ran mwurin an a tori ewe taropwe me epwe sôpwenô tori mwuchunon ewe ierin sukuun.

Ika pwe ewe sam me iin ika ewe chon tumwunu ewe semirit rese "opwonusweta" met ewe a esinesin ngenir, iwe fan pwungun ewe önnuk ORS 339.925, ewe prensepon ika ewe a wisen fori ewe angang, repwene makkei echo taropwe ngenir (non foosun fônuwer) pwe: Ewe sam ika ewe iin ika ewe a wisen tumwunu ewe semirit me ewe semirit repwene fiti mwich ngeni meinapen ewe sukuun ar repwe poraus won ei napanap ika osukosuk; ewe sam ika iin ika ewe a wisen tumwunu ewe semirit epwe atononga nöün we at ika nengin me önkunkuku pwe mei wareiti sukuun iteiten atun sukuun me ounusa an atun sukuun; Ika pwe ese wanong, tinano me tumwunu an wareiti sukuun mi ew atai önnuk fan ewe Class C. Ika pwe ese wareiti sukuun me pwungupwungungaw ran wareiti sukuun mei chok sopwosopwono, ewe chon nemeni ewe sukuun ika ewe a wisen anganga epwe wauu echo tikit ussun met mei fiti ewe önnuk ORS 339.925. Ika pwe e fis ngeni emon chon sukuun a watte ierin ekkewe sam me iin ika ewe chon wisen tumwunu rese tongeni nemeni, iwe epwene no ngeni ekkewe ponis re kan wisen angang ngeni semirit.

## KUTTA ME ÖMWÖCHÓNÓI (INS-A015)

Mei wor an ekkewe meinapen non ewe sukuun pwuung ar repwe föri ar angangen küt non pisekin ewe Kinikin kewe me pwan pisekin chon sukuun anongonong won met ewe re ekieki pwe mei wor, me ra pwan tongeni angei met ekkewe ese mwumwuta epwe wor non ewe sukuun, mei atai önnuk me pisek mei efeingaw, me ika pwe epwe efeiengawa ewe sukuun. Inet chok a tufich, epwe poputa ewe angangen chok nge epwe seni an ewe chon sukuun mwutatai me ii epwe pwan nomw non na atun küt. Ika pwe mei wor ekkewe pisek ese mwumwuta, atai önnuk me mei efeiengaw, iwe ekkewe meinapen non ewe sukuun repwene pusin finata ika menni nein ekkei kókkot repwene föri: Angei ekkewe pisek mei atai önnuk; repotei ngeni ponis; poputani ewe district discipline policy and procedure. Epwe wor esinesin ngeni sam me iin, me chon sukuun pwe epwe wor angangen küt an ekkewe konak non non ekkewe pisekin sukuun me pwan ika pwe meinapen ewe sukuun epwan nuku nge mei wor ekkewe mettoch mei atai önnuk chon sukuun ra isoni non pisekin sukuun kewe, iwe ekkewe konak repwene wisen küt nge esapw pwan affat inet fansoun.

## SPECIAL EDUCATION CHILD FIND (SUKUUN FANITEN EKKEWE MEI WOR TERIR)

Meinisin chon sukuun, seni ekkewe re keran uputiw tori 21 ier ra tongeni ar repwe fiti ekkewe sukuun mei för faniten ekkewe mei wor terir. Chon sukuun

ra fin anongonong won ewe guidelines mei for seni federal law me ew me ew ekkewe state ra wisen omwokutu me fan emwenien ewe Putain Sukuun.

Ekkewe kinikinin sukuun repwe fokkun kutta me nengeni meinisin ekkewe semirit mei wor terir, inamwo ika mei watte terin ewe.

Nupwen emon chon sukuun a kan referred ngeni ei pekin, iwe ekan akkoumw fis ar repwe nengeni ika tessini ewe chon sukuun. Ei angangen refer ekan poputa akkoum me non an ewe chon sukuun we weseten sukuun. Ekkewe chon angang iir mei trained non ei pekin repwe awesi met ra nengeni ika katon me won ewe chon sukuun, awora ew fansoun ar repwe nengeni ika katon met ewe e forata an ewe semirit we osukosuk, me angei poraus seni ekkewe ekkoch neni. Äkkawin angangen katon ika nengeni emon semirit, ekkewe sam me iin ika chon tumwun repwe mwutata me sain pwan weweiti met ewe. Sia men ekieki an epwe wor mefien ekkewe sam me iin ika chon tumwun non meinisin angangen tessini ika nengeni ewe semirit.

## AN PONIS CHOSANI CHON SUKUUN

Ekkewe chon "opochokuna" onnuk ika ponis ra tongeni repwe chosani chon sukuun me non ewe nenien sukuun. Chon angangen non ewe sukuun ir mei tongeni esine ngeni ekkewe sam me iin ika chon tumwun ewe chon sukuun won met ewe mei fis ika pwe ekkewe ponis re mwutatai.

## MÖMÖ ME AN CHON SUKKUN NIWINIMANG (INS-A012)

Ewe chon sukuun tori inan me seman me ewe a wisen tumwunu repwe wisen ani marataan momon ekkewe pisekin sukuun mei poutuno ika ta.

Ewe Kinikin epwe ionti ekkei niwinimang anongonong won ukukun met mei affat me non ewe onnuk (Oregon State statute).

Mömö me pakking ese kamotiw, me ika ese siwin ekkewe pisek mei ta ika poutuno, iwe epwene iei ussun: ewe chon sukuun esapw tongeni an epwe fiti ekkewe urumwot ika mwokutukut me ika mwokutukutun sukuun pachonong nge esapw chok ikkei ren ekkewe fansoun mei ouche, ika atun an chon sukuun chuffengen me ika ekkewe mwokutukutun faniten sochungio, atun urumwot, me atun pworuk an chon sukuun (pachonong prom). Ewe sukuun epwe fori pwungun onnuk, pachonong an epwe uwei ngeni collection ika awora echo taropwen otutur ngeni kopwung mwirin an tour esinesin ussun met mei fen affat me non ewe onnuk ORS 339.270.

## ETIWANO SUKUUN ME NOMWONONG NON IIMW

Keizer mei awora onnukun su seni class ika etiwano sukuun nge ese wor mwumwutan. Ei onnuk mei eppeti an ekkewe kükken semirit nefinen 7 me 18 ier ar repwe nomwefetan non ekkewe nenii atun sukuun, me mei pwan oküküatiw ranin etiwano sukuun me ekisatiw fofoforgaw. Ika pwe ranin an ewe chon sukuun fiti sukuun ese pwung, iwe ewe Kinikin epwene nenengeni ika epwe met popun me pwan esine ngeni ekkewe sam me iin ika ewe chon tumwun, me opwungupwung ika met sakkun kokkot epwe anisi ei osukosuk. Ewe Kinikin a tongeni epwe kori ika ngeni ponis ar repwe eiti ngonuk noumw tikit ukukun momon mei eta ngeni \$200.

Manuals are continually revised and improved.  
Users of this manual should check the QAM website for the most recent version.



Christy Perry, Superintendent

Salem-Keizer Public Schools 24J does not discriminate on the basis of race, color, national origin, sex, disability or age in its programs and activities. This policy implements state and federal laws (including Title IX); inquiries about the non-discrimination policies should be directed to the Compliance Officer, Executive Director in the Human Resources Office, 2450 Lancaster Dr. NE, Salem, OR 97305. Phone: 503-399-3061.